

La norma superior de regulación de l'actividá turística n'Asturies ye la Llei 7/2001, de 22 de xunu, de Turismu (BOPA núm. 156, de 6 de xunetu de 2001; BOE núm. 203, de 24 d'agostu de 2001; con cabera actualización del 25 d'avientu de 2010). Ventidós años dempués de la so redaición, la rialidá del sector evolucionó de manera tala que la llei convirtióse nun preséu poco útil en munchos aspeutos y les circunstancies d'anguaño desixen una actualización afayaíza del testu.

Poru, convién a la ciudadanía asturiana que'l Gobiernu asturianu asuma la importancia d'una reforma urxente de la Llei 7/2001, de 22 de xunu, de Turismu.

L'actualización que resulta necesaria entama pol conceutu mesmu del turismu que deseyamos p'Asturies, y que debería espeyase yá nel títulu de la nuaa norma: Llei del Turismu Caltenible.

Una nuaa norma que debería incluyir:

- La regulación d'un impuestu del turismu caltenible, o ecotasa, que s'aplique nes estancies turístiques p'atender con él los gastos públicos que xenera l'actividá d'esti sector y que repercuta nes arquees públiques del gobiernu asturianu y de los conceyos d'Asturies, comu se fae yá en munchos países europeos y en dellos territorios nel Estáu español.
- El compromisu de dedicar los fondos recaudaos cola ecotasa a recuperar, rehabilitar y revalorizar espacios emblemáticos d'especial valor ambiental, hestóricu o cultural, a financiar actividaes relacionaes cola diversificación del modelu económicu, a proyeutos de recuperación del paisax agrariu, a proyeutos de formación, I+D+i y a proyeutos de transición enerxética.

Y que debería tener, ente otros, los siguientes oxetivos:

- Evitar el turismu de mases, regulando un modelu turísticu compatible cola proteición del mediu ambiente y respetuosu col modelu cultural asturianu y les formes tradicionales de vida y producción.
- Reconocer preseos llegalés pa la preservación del hábitat, incluyendo la figura de "fastera turística saturá".

- Evitar la contaminación por residuos y la degradación paisajística.
- Controlar tanto los alquileres turísticos ilegales como el fraude fiscal nel sector.
- Garantizar los derechos laborales de los y les trabajadores del sector, garantizando un empleo de calidad, fomentando el empleo precario, penalizando los horarios laborales irregulares y el cobro non regularizáu.
- Dotar a l'administración pública de directrices ñidies pal control ya inspección de les empreses del sector, cuntanto pa ello con recursos humanos y materiales suficientes.
- Asegurar que l'actividá turística nun mengua les posibilidaes de los asturianos y asturianas d'algamar viviendes n'arriendu o propiedá en toles fasteres d'Asturies y en condiciones económicas afayaíces, controlando especialmente la densidá de pisos turísticos nos barrios y afitando llímites nel preciu los arriendos.
- Protexer los espacios ñaturales de la masificación y de la invasión con vehículos.
- Facilitar nes fasteres turístiques un tráficu de vehículos fluyú y seguru, asina como alternativas qu'igüen los severos problemas d'aparcamientu, puxando, en tou casu, pol tresporte públicu énte'l particular.
- Regular la figura del guía rural llocal y sofitar les iniciativas llocales que vinculen la conocencia'l mediu, la so interpretación cultural, hestórica y paisajística, asina como la promoción y el sofitu al consumu de productos autóctonos.
- Empareyar les polítiques relacionaes col turismu con aquelles otres qu'afalen el comerciu llocal y el consumu de productos asturianos.
- Promover na actividá turística midies pa la conocencia de la llingua, la cultura y la hestoria d'Asturies.
- Concentrar les aides al sector turísticu nes pequeñes y medianes empreses, en cuenta financiar les grandes corporaciones.